

Broj: 01-05-6-03111/2018-6
Sarajevo, 24.08.2018. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-05-6-03111/2018-5 od 20.08.2018. godine, Direktor Federalne uprave za inspeksijske poslove, u ime ugovornog organa donosi

O D L U K U

o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javnu nabavku broj 01-05-6-03111/2018-5 od 20.08.2018. godine, te se ugovor o javnoj nabavci roba gorivo i vjetrobranska stakla motornih vozila Federalne uprave za inspeksijske poslove dodjeljuje ponuđaču „Petrol BH Oil Company“ d.o.o. Sarajevo, koji je nakon provedenog otvorenog postupka uz primjenu e-aukcije ponudio najnižu cijenu tehnički zadovoljavajuće ponude u iznosu od 102.933,00 KM bez PDV-a, odnosno sa uračunatim PDV-om 120.431,60 KM.

Član 2.

Ugovor sa ponuđačem iz člana 1. ove odluke će se zaključiti pod slijedećim uslovima:

- **Ukupna ponuđena cijena nakon provedenog postupka e-aukcije bez PDV-a:** 102.933,00 KM
- **Cijena sa PDV-om:** 120.431,60 KM
- **Na svaku isporuku roba koje su predmet ugovora, u skladu sa ponudom ponuđača iz člana 1. datom u provedenom postupku e-aukcije će se obračunavati popust u visini od 11,70 %. Popust je fiksna, neće se mijenjati iz bilo kojeg razloga i isti će se obračunavati na cijene utvrđene zvaničnim ovjerenim cjenovnikom (obrazac o promjeni cijena i marži u maloprodaji, ovjeren od strane Federalnog ministarstva trgovine)**
- **Rok plaćanja:** 30 (trideset) dana od dana prijema fakture za realizovanu isporuku
- **Period trajanja ugovora:** ugovor će se zaključiti na period od 1 (jedna) godine dana od dana zaključenja ugovora, a početak primjene ugovora je 03.10.2018. godine.

Član 3.

Izabaran ponuđač iz člana 1. odluke je dužan u roku od 7 (sedam) dana od dana prijema odluke dostaviti ugovornom organu dokaze zahtjevane tačkom 11. tenderske dokumentacije, kojim potvrđuje da:

- a) u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;

d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

Ukoliko izabrani ponuđač u roku ostavljenom stavom (1) ovog člana ne dostavi naprijed tražene dokaze u ostavljenom roku, isti će biti isključen iz daljeg učešća u postupku javne nabavke zbog neispunjavanja uslova za kvalifikaciju.

Član 4.

Po okončanju žalbenog roka ugovorni organ će sa ponuđačem iz člana 1. ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

Član 5.

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Na osnovu odluke direktora Federalne uprave za inspeksijske poslove broj 01-05-6-03111/2018-4 od 20.07.2018. godine uprava je pokrenula ponovljeni otvoreni postupak nabavke roba uz primjenu e-aukcije za nabavku goriva i tečnosti za vjetrobarska stakla za potrebe službenih motornih vozila Federalne uprave za inspeksijske poslove. Obavještenje o javnoj nabavci broj 1292-1-1-15-11/18 je objavljeno na Portalu javnih nabavki dana 23.07.2018. godine, a u Službenom glasniku BiH broj 52/18 dana 27.07.2018. godine. Tenderska dokumentacija je učinjena dostupnom potencijalnim ponuđačima na Portalu javnih nabavki.

Dana 16.08.2018. godine Komisija za javne nabavke je izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda koji je putem pošte odmah upućen ponuđačima. Na javnom otvaranju ponuda je konstatovano da su svoje ponude blagovremeno dostavili ponuđači "Hifa-petrol" d.o.o. Sarajevo, "Petrol BH Oil Company" d.o.o. Sarajevo i "Holdina" d.o.o. Sarajevo. Komisija je utvrdila da nije bilo neblagovremeno pristiglih ponuda.

U Zapisniku sa otvaranja ponuda je utvrđeno da su navedeni ponuđači ponudili tražene robe po cijenama, kako slijedi:

Naziv/ime ponuđača	Ukupna cijena ponude bez PDV-a	Ponuđeni popust
„Hifa – Petrol“ d.o.o. Sarajevo	116.200,00 KM	Ne
„Petrol BH Oil Company“ d.o.o. Sarajevo	116.580,00 KM	Ne
„Holdina“ d.o.o. Sarajevo	116.445,00 KM	595,00 KM

Odmah nakon provedenog postupka javnog otvaranja ponuda komisija je izvršila analizu pristiglih ponuda provjerom sadržaja i validnosti dokumentacije koju su ponuđači dostavili, te je tom prilikom konstatovala da su ponuđači dostavili urednu dokumentaciju traženu u postupku, odnosno da su svi ponuđači dostavili dokaze kojim dokazuju da su kvalificirani za dalji tok postupka i da ne postoje razlozi za odbacivanje ponude bilo kojeg od ponuđača. Komisija je također konstatovala da su svi ponuđači dostavili potvrde Vanjskotrgovinske komore BiH kojima potvrđuju da robe koje nude ispunjavaju uvjete za primjenu preferencijalnog tretmana domaćeg u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“, broj 83/16), pa u skladu sa navedenim u postupku nisu bili ispunjeni uvjeti za primjenu cjenovnog preferencijalnog tretmana u svrhu poređenja ponuda.

Komisija je nakon utvrđivanja prednjih činjenica na istom sastanku utvrdila termin za e-aukciju i ista je zakazana u skladu sa odredbom člana 4. Pravilnika o uvjetima i načinu korištenja e-aukcije za dan 20.08.2018. godine u 12,00 sati.

Komisija je istog dana 20.08.2018. godine, nakon provedenog postupka e-aukcije na sastanku izvršila uvid u Izvještaj o toku i završetku e-aukcije, konstatovala je da je e – aukcija uspješno provedena i da je trajala od 12.00

do 12,58 sati. Daljim uvidom u Izvještaj komisija je utvrdila da su ponuđači u postupku e-aukcije ponudili konačne cijene ponuda, kako slijedi:

Naziv ponuđača	Konačna cijena u KM bez PDV-a	Rang
„Petrol BH Oil Company“ d.o.o. Sarajevo	102.933,00 KM	1
„Hifa – Petrol“ d.o.o. Sarajevo	103.049,00 KM	2
„Holdina“ d.o.o. Sarajevo	115.850,00 KM	3

Iz naprijed navedenog komisija je konstatovala da je najpovoljniju ponudu dostavio ponuđač „Petrol BH Oil Company“ d.o.o. Sarajevo sa ponuđenom cijenom od 102.933,00 KM, bez uračunatog PDV-a, odnosno 120.431,60 KM sa PDV-om.

Usporedbom početne cijene navedenog ponuđača sa cijenom datom u postupku e-aukcije komisije je konstatovala da je ponuđač „Petrol BH Oil Company“ d.o.o. Sarajevo ponudio popust u odnosu na početnu cijenu u visini od 11,70%.

U skladu sa odredbama tenderske dokumentacije, ponuđeni popust od 11,7 % će biti fiksna za cijelo vrijeme trajanja ugovora koji će se zaključiti, isti se neće mijenjati iz bilo kojeg razloga i obračunavat će se na cijene utvrđene zvaničnim cjenovnikom (obrazac o promjeni cijena i marži u maloprodaji, ovjeren od strane Federalnog ministarstva trgovine). Popust u ponuđenom procentu će biti ugrađen u ugovor o javnoj nabavci.

Komisija je slijedom prednjeg sačinila preporuku broj 01-05-6-03111/2018-5 od 20.08.2018 godine, koju je dostavila direktoru uprave na razmatranje, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Petrol BH Oil Company“ d.o.o. Sarajevo.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



DIREKTOR

Anis Ajdinović

Dostaviti:

1. „Hifa-petrol“ d.o.o. Sarajevo, Hotonj bb, 71320 Vogošća
2. „Petrol BH Oil Company“ d.o.o. Sarajevo, Tešanjaska 24A/II, 71000 Sarajevo
3. „Holdina“ d.o.o. Sarajevo, Azize Šaćirbegović 4b, 71000 Sarajevo
4. Komsija za javne nabavke
5. Sektor za materijalno-finansijske poslove
6. Sektor za tehničku podršku i plansko-analitičke poslove

